

Atividadis po

is pipius baressesus

S'amministratzioni comunali de Baressa impari a s'Ufitziu lingua sarda de is Comunas de Baressa e Bobadri e a sa biblioteca comunali at aprontau po totus is pipius chi tenint de cincu fintzas a undixi annus (dai 5 agli 11 anni) e duncas chi funt in s'urtimu annu de s'asillu e in is scolas elementaris) unu atru atòbiu po s'ispassiai cun sa lingua sarda. Is attividadis ant a essiri **lunis 25 de su mesi de Lampadas 2012** (25 giugno 2012) de is cincu a is seti de meri (17 - 19) in sa biblioteca comunali de Baressa impari a sa bibliotecària Viviana Orrù e a s'operadora de is Ufitzius de lingua sarda de is Comunas de Baressa e de Bobadri chi est Tatiana Frau.

Est pròpiu cun sa lingua sarda ca s'ant a fai giogus iterativus e a scuadras puru, ma fintzas s'ant a biri cartonis animaus e filmixeddus cun su computer.

Po una pariga de oras seus a ispassiai meda totus impari e cun sa lingua sarda.

Po partetzipai si domandat sceti a is



mammas o a is babbus de acumpangiai is fillus in sa biblioteca de Baressa e apustis, facioras de is seti, de torrai a ndi ddus su liai po ddus su torrai a domu insoru. Pipius benei in medas....!!

Novas Baressesas inderetura in domu!!

Novas Baressesas at a bessiri prus o mancu una borta a su mesi e s'at podi arriciri inderetura in domu, cun una e-mail: bastat a ddu pediri mandendi una punta de billetu eletrònicu a s'indiritzu serviziocultura@comune.baressa.or.it iscriendi su nòmini, su sangunau e "bollu arriciri Novas baressesas".

In prus, s'at podi ligi puru in su giassu internet de su comunu www.comune.baressa.or.it in sa setzioni de sa lingua sarda o agatai in medas attividadis comercialis de sa bidda o in sa biblioteca comunali



Sa redazioni de Novas Baressesas est contivigiada de su Servìtziu linguisticu sardu e de s'Assesorau a sa Cultura de su Comunu de Baressa.

S'isportellu linguisticu est a disponimentu de tzitadinus, maistus de iscola, professoris e istudentis po cali si siat informatzioni, fundamentu, duda, crosidadi, bibliografia, sitografia asuba de sa lingua sarda, po consulèntzias didàticas e po contzillus chi pertocant is arrègulas de iscidura de su sardu.

Su Servìtziu in lampadas at a essi abertu:

	de	a
Mèrcuris 06/13/20/27	10.40	15.10
Lunis 25	17.15	19.15*

*atividadis cun in pipius in sa biblioteca de Baressa



Comunu de Baressa

Provintzia de Aristanis

Novas Baressesas

☎ 0783-930049 Fax 0783-930118
e-mail: info@comune.baressa.or.it

Follietu periòdicu de informatzioni istitutzionali de su Comunu de Baressa

Responsabilidadi e proprietadi de su Comunu de Baressa (or)

Annu II, n. 4

Acabbau su 30 de maiu de su 2012

Sardu e italianu depint essiri paris in is cosas de dònna dii !

Passillada ecològica



S'Amministratzioni comunali fait sciri a totu is baressesus ca po **domigu 17 de Làmpadas 2012** (domenica 17 giugno 2012) at apariciu una *passillada ecològica* bella e praxili po bessiri in su sartu totus impari e passai unu domigu in cumpangia.

Comenti a is atrus annus, s'atòbiu at a essiri in su Comunu facioras de is **noiras de mengianu (ore 9.30)** e s'at a partiri a pei po arribai a sa cresiedda de Santa Maria Atzeni.

Inguni, facioras de a is 11, c'at a essi sa missa e apustis s'at a sighiri sa passillada fintzas a su **parcu naturalisticu de Marrogali**, aundi s'at a papai totus impari. Po prandi s'amministratzioni



comunali at a offerri mallorreddus, berbei a buddiu e fetinas impanadas.

A s'acabu de pràngiu s'at a fai festa totus impari baddendi e cantendu cun is sonadoris pigaus po sonai totus su merì. Po partetziapai a custa passillada ecògica tocat a s'iscriri passendi in Comunu, in s'ufitziu de is servìtzis socialis aintru de lunis 11 de su mesi de làmpadas a mengianu (ore 13.00).



Sàgiu de sa scola tzìvica de mùsica

Po sàbudu **16 de Làmpadas 2012** (sabato 16 giugno 2012) a partiri de is seti e mesu de merì (ore 19.30) sa scola tzìvica de mùsica de sa provìntzia de Aristanis sighida de su maistu **Andrea Piras** at apariciu is

sàgius musicalis de acabu de s'annu in sa crèsia manna de Santu Girorgi in Baressa. In pari a is musicantis e cantadoris de Baressa c'ant a essiri



cussus de Senis, Sini, Pau, Simaba e Gonnonò e a s'acabu c'at a essiri unu cumbidu. Totus is Baressesus funt cumbidaus a su cuntzertu... benei in medas!

Pindulas de lingua sarda

Ita est una lingua de minoria?



Sa lingua de minoria est una lingua fueddada de genti meda in unu logu a intru de s'istadu. Ma no est reconòscia de sa Lei comentu lingua ufitziali.

Po nd'isciri de prus...

• Ita est una lingua de minoria?

Is linguas de minoria funt linguas chi benint fueddadas de genti meda in unus cantu logus aintru de s'Istadu e chi tenint una istòria e règulas insoru, ma no funt reconòscias comentu linguas ufitzialis.

S'artìculu n° 1 de sa Lei 482/99 narat ca sa lingua ufitziali de s'Istadu est s'Italianu, est a nai ca s'italianu est sa lingua chi s'insenniat in s'iscola, chi si manigiat in is ufitzius e in totus is atus ufitzialis chi po tènniri balididadi depint èssiri iscritus in italianu.

Ma, mancai si pongat in craru custu, si narat fintzas ca in Itàlia ddui funt unas cantu linguas de minoria acanta de s'italianu chi depint èssiri tuteladas e avaloradas, intra de custas ddui est fintzas su sardu.